



14424

kat.komp.

III

Mag. St. Dr.

P

Carolus.

Sandomiriensis Collegii Sac. Jacobi Equitis
Korciański mausoleum.

PANEG. et VITAE

Polon. Fol.

№ 466.

Biblioteka Jagiellońska



stdr0005576

EQVITIS
KORECIANI
MAVSOLEVM.

Æternis Virtutum Gloriæque Characteribus
INSCRIPTVM

A Collegio Sandomiriensi Societatis IESV.

DVM

Exequiarum Iusta soluerentur



Illustrissimo & Excellentissimo PRINCIPI

SAMVELI CAROLO
KORECKI, DVCI IN KORZEC,
Gubernatori Ropczycensi.

Sub Illustrissimis Tutorum Auspiciis,

BOGVSLAI COMITIS à LESZNO
LESZYNSKI,

Thesaurarij Regni. Maioris Poloniae Generalis,
Capitanei Miedzyrecen. &c. 144245.

RAPHAELIS COMITIS à LESZNO
LESZYNSKI,

Succamerarij Bresten. &c.

Nec non Heredis Illustrissimi

SAMVELIS COMITIS à LESZNO
LESZYNSKI,

Palatinidæ Derpatensis.

ANNO SÆCVLI, M.DC.LII.

CRACOVIAE,

In Officina Viduæ & Heredum Francisci Cesarij, S. R. M. Typog.

A D

ILLVSTRISSIMOS

HEREDIS TVTORES.

Hestinatâ SAMVELIS KORECII in morte, fatis an hominibus irasci oporteat, ij viderint; quibus in abdita rimari mos & fas Illustrissimi DD. Mirari cum Tullio, volucrum rerum humanarum cursum, non indignari, eos conuenit, qui ut ad Aeternæ mentis arbitria se suaq; fingunt, ita euentorum causas altiores habent, quàm quæ in summo posita cernuntur, & feruntur vulgò. Sæcula & Homines, adeoq; & ortas ex utrisq; familias interire, non hoc primum edocemur exemplo. Habet in numero mærens Patria, qui, quum illustre à Maioribus genus non accepissent tantummodò, sed & fecissent, hodie in solis duntaxat Annalibus, prosapia vitam habent. Et fortasse non incommodè (si Tacito assentimur) rebus mortalium consuluit natura, ut sua ora fluminibus, suos & cursus, utq; originem ita fines daret. Viuit attamen, viuetq; factorum melius quàm fastorum memoria SAMVEL suo immortalis OLGERDO. Quancumq; quid exhaustam querimus KORECIANI Sanguinis venâ obtento Herede; ad quem paternis maternisq; splendoribus ornatissimum, Martiales KORECIORVM virtutes & insignia, iure Hereditario transferunt. Fatale hoc Turcis nomen, quod in Te ad viriusq; SAMVELIS, hoc est, ad Aui & Auunculi gloriam adolescit cum annis. E Magni SAMVELIS Heroicâ planè Filiâ prognatus, quidni Martiales Viri spiritus in Te transfusos cogitemus. Equidem in Vos, Illustrissimi Domini, magnis retrò subnixos Maioribus, hæc tam subita Principalis fastigij incubuit ruina. Vos velut supremas labantis Ilij reliquias aspectabili gentis LESZCZYŃIÆ PALATIO excepistis, Ducalibus auorum Statuis & imaginibus, Vestra inter Vestrorumq; decora collocatis. Nobis, qui è vicinia Pij Manibus benè precaturi accurrimus, hoc in funere postremis, si non emortualis straguli lacinias manu sustinere, aut præferre facem, at licet, saltem inter Vmbras magni corporis sequaces censerî.

Illustrissimarum Celsitud. VV.

Obsequijs paratissimum



Collegium Sandomiriën.
Societatis IESV.

D E O
ET MEMORIAE POSTHUMÆ.
SAMVEL CAROLVS KORECKI

Hoc à Patre, illud à Patruo nomen inditum
Vtrumque ex dignitate vtriusque gessit.

Primum id prolis Heroicæ elementum est:
Patritia virtutum vocabula reddidisse factis.

H I N C

Senatoriam * Aui mentem, peritiâ consulendi:

Præliarem * Patruï genium, studio armorum:

Ciuilem * Patris prudentiâ, dexteritate agendarû rerû,

Compendio in se transtulit, & absoluit.

Nimirum

Excellentis naturæ est, rapi in similitudinem suorum.

Vitæ Annales, non tam ætatum discrimine

Quàm domesticis carorum funeribus distinxit.

Puer admodum, fatis præreptâ Matre,

Bullam pueritiæ, pullâ veste afflixit.

Adolescens Patre orbatus

Prætextam posuit paternis cum exuijs.

Ætate vir: Togam & Sagum

Pacis & belli vsibus quoad licuit, detruit.

Cyrum dices à puero iam inde expositum aduersis;

Quasi præbendus fortunæ fuisset, vt contra ipsam, ab ipsâ duraretur.

Ne tamen orbitatis damna sentiret,

Parentum loco, altrices Honesti literas adamauit.

Vel idcirco maternis abstractus à complexibus,

Quò maturius ad Musarum illicia aspiraret.

Q V I P P E

Nec simplex ætas capi solet, quin spe aliquid prægustârit;

Quanquam facile bonis artibus optimi quique, inescantur.

E fidissima integerrimi † Tutoris Prouidentia

Idoneos doctrinæ morumque nactus eruditores,

Metum & Cupidinẽ, duos iuuentæ Scopulos impunẽ transmisit;

Arcadijs & Theodosijs hoc laudabilior,

* Palatini Wol-
hyn.

* Terroris Tur-
carum.

* Castellani
Volh.

Anno Domi-
ni, 1633.

Eius edu-
catio.

† Nicolai Du-
cis Czartory-
ski Terrarum
Volh. Castel-
lani,

Quòd terrorem non incusserit Arsenio, cui obseruantiam debuisset.

Ducali in Collegio Principem sui partem excolere aggressus,

Ad sublimia operum, cæptis grandibus prolusit;

Vt iam tum digna literis gesturus videretur,

Quòd sic deperiret literas,

Quibus imbui suam purpuram voluit, non tingi,

Nusquam non propitiam expertus Palladem

Quiduis ab ingenio impetrabat suo.

Vrgeri se Ephori stimulis haud tulit,

Cui proprium calcar Gloria admouisset.

Ostrogij lite-
ras auspicatur

*Alter Isocratis
discipulus tar-
dior.

SED HEV!

Literario in ludo prima laudum Olympia ludentem

Obiecto Patris tumulo, mors pedisequa tardauit!

Hæc Terminalia, ludos ei clausere Prætextatos!

Studiorum
cursum Patris
obitus interfi-
sit.

AT ILLE

Quam studia præcipiunt pietatem

Aliàs in cultu & obsequijs, hîc in luctu & Exequijs, exsecutus,

PARENTEM PARENTALIBVS complorauit.

Nemini æquius immortalem precatus lucem,

Quàm à quo ipse accepisset mortalem;

Nec vlli iusta iustius exsoluit, quàm Iuris vindici

Tribunalitiâ ex vrbe ad Diuinum euocato Tribunal.

Ex insignibus Magni Progenitoris, ea selegit auidius,

In quæ rapax factorum necessitas nihil posset

Æternæ mentis mansuram Imaginem:

Quam (recto + Boleslai ex more) identidem respectans +

Exigeret à se quidquid sui fuere Primores.

Et en consimilem fortis ordinem ac euenta!

Paternum è viuis discessum, suâ ad Exteros profectione excepit.

Ita diuersis ambo, viæ vitæque itineribus, Patriâ excessere;

Patre sepulto
iter ad Exte-
ros adornat.

Dispar tamen vtriusque exsilium:

Huic suopte arbitrio, illi æternis legibus imperatum.

Laudatissimæ ad longinqua regna excursionis

Præter fortunam comitem, & famam prodromam

Collegas (iure sanguinis) adlegit Principes:

CASIMIRVM & MICHAELEM CZARTORISCIOS,

Stirpe Regiâ, summis dotibus, ingenio eminenti germanos;

Libenter illic studiorum stadia decursurus,

Vbi genere, annis, & animis concurrerent Æquales.

Vnâ cum Du-
cibus Czarto-
riscijs.

Eorum
indoles.

Vna

Vna hæc certissimæ Fraternitatis ratio est,
Eundem sanguinem virtutibus & affectibus miscuisse.

Et consanguinitas cum Korceijs.

Nec immeritò

Illustribus Trium Principum ingenijs

Principes in Stiria, Austria, Belgio, Academia quæsita :

Apud Patres Soc: Iesu, Lincij, Passauj, Constantiæ, Colonia, Agrippinæ.

Vt qui iam spe ingenti Patriam implerent,

Florentissima Vniuersitatum Gymnasia sui admiratione occuparent.

Sic diiunctas cælo prouincias, famâ nominis coniungentes

Audiri pariter, spectatiquæ sunt in theatro terrarum.

Mitioribus primò, dein seueris instructi disciplinis,

Vtrasque Humanitatis in vsu, & officijs expressere.

Eximium id, præcellentium Animarum priuilegium est,

Etiam in Regno literarum palmam præ alijs tenuisse.

Pulchrum illis excellere sciendi appetentiâ,

Nè sera sibi (vt Carolo V.) inscitia pœnitentia obreperet.

Lipsius.

Adeò Martius alioqui * Olgerdi & Vitoldi sanguis

* Maiores horum Principum.

Pacatum doctioris Mineruæ in amorem caluit!

Tullij & Aristotelis eò studiosior,

Quòd Orationem alter, alter excoleret Rationem;

Cuius periculum facturus in Logicis Assertionibus

Sapientiæ Doctores terruit, eorum de se iudicia antegressus.

De Vniuersa Logica disputat.

Rediisse putares tempora, quibus Principes

Æquè cupidè eruditionem ac potestatem ambirent.

Octo Physicorum libros (quos orbi inuiderat Macedonicus)

Vt essent sui iuris, intelligendi possessione obtinuit.

Documento: Rectiorem Principum Philosophiam esse

Per Naturæ abdita, ad Consiliorum secreta descendere.

Duaci apud Belgas Princeps (quod Plato voluit) philosophatus,

Peripatetici Principis, in publicâ defensione, patronum egit.

In Collegio Societ: Iesu.

Veteris memoriæ Scriptores eo euoluit consilio

Quò calamitatis alienæ fastis cautiore,

Vtriusque fortunæ prompta haberet vel remedia, vel exempla.

Ethicæ, Politicæ, Mathematicæ percupidus

Quòd illa virtutibus, hæc Curia, postrema suffragetur Castris:

Prima Hominem, altera Ciuem Patriæ, tertia Bellatorem imbuat.

Artes fortunæ suæ congruas edidit.

Pacis tamen Artibus Equestrem libens adiecit,

Vtpote suo EQVITI ornando armandoque aptam.

Septennio Externis immoratus Nationibus

Opum ac Temporis impendia, Experientiæ lucris redemit.

Secus quàm plerique peregrinantium: Solem & Solum mutando

Linguarum notitiam assuetudine vitiorum corrumpunt;

Iacturæ peregrinantium.

Nec modò ætatem ingloriè sed & animam foris agunt.

IID PLANE EST

Spei florem terere alibi, nè fructum domi legas.

Admirabilioreâ parte Dux KORECIVS

Impositam sibi à Natura personam PRINCIPIS

Vbiq̃ue ex decore Prosapiæ sustinens ostentansq̃;

Dignos gentium oculis & plausibus actus dedit.

Libertatis prærogatiuam iu Licentiæ titulum nè transferret

Sui ipsius imperio, non Parentum supercilio effecit.

Speciosa verbis, re inania haud moratus officia

Tacitus.

Regum Curias, Artium situs, Vrbium armamentaria introspectit;

Italiæ Vrbinitatem, Germaniæ candorem, Galliæ comitatem,

Belgij militares industrias, Angliæ acumen

Propria Nationum attributa.

Ad Lydium moris patrij expendens,

Nil in moribus absouum, nil in cultu arrogans admisit;

Gnarus vtique

Generosius quidlibet suâ nasci in Sede.

Curtius.

Trans Alpes Honori EQVITIQ. suo peruias

Ingens Mediolanum capaci indole impleuit.

Inde in Vrbem, publicum Orbis Hospitium diuertens,

Romanam Pietatem cum sermonis puritate hausit.

Insuper: quâ erat corporis habitudine,

Armorum tractationem in Schola Martis Belgici edoctus

In Belgica digladiandi artem accepit.

Militiæ Tirocinia Exemplis fortibus terminauit;

Cùm postea

Triumphalis Patruï speciem altè animo conceptam

Cruentis ad Zborouiam impressionibus expressisset.

Vnâ illâ multarum instar Expeditione testatus Orbi

Quid in Patriam Amoris, quid animi in Rebelles haberet.

Quò loci: Hostium sanguine, & suo sudore ductis lineis

KORECIANÆ Fortitudinis operi, manum imposuit supremâ.

Eius Fortitudo memorabilis.

Felix qui illâ ipsâ in acie

A Rege laudatur.

Augustâ IOANNIS CASIMIRI voce ad posteros commendatus

Magno SAMVELI par * encomium non inuidit Nepos.

* Datum à Sigism. III.

Equo glande plumbeâ traiecto & lapsante,

Propè ad metas vltimi discriminis accesserat

Nisi confidentiæ suæ Causam & simul Patrocinium

In Deiparam Pietas & Donaria votiuâ.

In Matre Exercituum, (Veriore campi Dominâ) reperisset;

Cui Sponsalitijs olim subarrhatae Annulis:

Gladium & Brachium Votiuâ sponsione dicauerat ad Aras.

Regni ad Tribunalia Deputato persæpè Iudici

Non

Non aliud Sententiæ pretium, quàm rectè iudicasse.

Tribunalitium
Iudicem mul-
totes egit.

Nempe, in fastigio Principalis opulentiae positum
Omni affectione aut superiorem aut intactum fuisse par erat.

Idem nulli non hominum Ordini perfamiliaris,
Venerationem sui (quod mireris) è proximo intendit!

Dotes corpo-
ris.

A natura præstanti

Dignum Heroico Spiritu domicilium sortitus,
Decorâ proceritate oris ac vultûs maiestatem auxit.

Manu & ferro quis fuerit, vt probaret,
Rebellantium nuper reliquijs quâ fugatis, quâ deletis,

PACIFICATOR latè per * Wothyniam audiit.

* Tumultuan-
tem sub initia
Anni 1649.

Quo tempore, nouo propagandæ gloriæ vsus artificio,

Tot nominibus suorum Ciuium Pater exstitit,
Quot amoto seruitutis iugo, Liberos post se reliquit.

Nobilitate ad
eum persuf-
gente.

Optimè cætera meritis de Repub.

Vni in se querimoniae locum fecit:

Quòd ruente in se **KORECIORVM** Domo

Sux iam po-
stremus Fami-
lia.

Sux Posteritatis generi non prospexerit;

Cuius negotium acturus (adlectâ magni nominis Conforte)

Præposteris itineribus non tam ad Nuptias perrexerat, quàm ad Næcias.

Verè inequitat omni gaudio suus Dolor!

E H E V!

Momento variabilem personatæ Prosperitatis Comoediam!

Aut si malis dici Tragœdiam: eodem actore, quo auctore

Ad Cereos Mortuales actam!

Eius exitus la-
mentabilis.

Medeæ geminam, nî extra fabulas gesta esset.

Et hîc videlicet

Nuptialium ignium festiua lux

In ferale abiit lychnos: Thalamus Tumulo commutatus!

Ita, Connubialis Fidei rata primùm fœdera

Tristi ad exemplum diuortio, festinata mors rescindens,

Primo Nuptia-
rum die mor-
bo lethali
corripitur.

Martiali è Tæda, Rogum accendit sepulchralem!

Non facile crederent Posterì

Trium duntaxat Parcarum ministerio

Abrupta in vno tot Heroùm stamina,

Nisi auxiliares plurium operæ accessissent.

Nihil attamen molita est saua Atropos,

KORECIANO EQVITI laqueis communibus extricato
Expeditor ad immortalitatem cursus patuit per spatia meritorum.

Faceffant vmbraë Stygiæ

Veris Hic affuetus periculis, vmbra nec persequitur, nec timet.

*Hippocentaurum ne credite monstra Tartari, Bellator est: * Olim infigne
eius Maiorum
post in Equi-
tem permuta-
tur.
Vide Stri-
conium.

Liionicis, Moschouitis, Theutonicis, Turcicis, Tartaricis,
Prælijs, victorijs, foederibus, tam metuendus, quàm mitis.

Quin Tu ei da viam Æternitas

Aliam alibi felicitatis orbitam inituro.

ANNO CVRRENTIS SÆCVLI, M. DC. LI. Deceffit 1651.
22. Febr.

Vitæ cursum Gloriaëque caput verius quàm exegit.

Extremo agoni proximus acerbè indoluit

Alieno se loco & situ interceptum mori.

Vsq̃ueadeò Militari in domo genitum

Malè habuit, fato non succumbere campestri.

Inter ludicra Saturnalium Hilaria,

Saltatorium cæteris orbem modulatè versantibus

Iste ad momenta † Æternitatis, vel toro fixus, circumegit sese! † Quam mori-
bundus incla-
mauit persæpè,

T A N D E M

Sacro Cinerum die (mortis attende religionem)

Commune pulueris tributum Naturæ,

Cælo Animam vectigalem (mortis exactoribus) redhibuit.

Enimuerò & his Defuncti Cineribus Die Cinerum
expirat.

Magnorum capitum apices ritè adpersi sunt,

Meminissent in Originem intenti suam:

Etsi se supra homines, tamen ex Hominibus esse. Plin. Traian,

Hic demùm

SAMVEL CAROLVS KORECKI

Per Regia Iagellonica propinquitatis confinia

Deriuati ab * OLGERDO sanguinis riuos clausit, * Gedimini
filio.


E L A T Æ S E C V M F A M I L I Æ

S V M M V M F V N V S !

Age si sapiſ, ô Hofpes:

E fatali, Magnorum Siderum occasu,

Et tuam ipse Vesperam ominare.



FN EQVITEM
KORECIANVM.




Parcite Curriculo SPES & FORTVNA: Suprema
Constitit ad Metas KORECIANVS EQVES.



LIBRARY OF THE
MUSEUM OF NATURAL HISTORY



Partic. Canticulo 2^o de FORTUNA: SUPPLEMENT
Constitutio ad Mores HORTICULTURAS FLORES.



7. xix. 40.

